

卷二十五

脩急

四類

卒死

蛇蟲毒

諸般傷損

火瘡

食治

五類

序論

果實

菜蔬

穀米

鳥獸

孫真人備急千金要方卷二十五

長洲張璐路王行義
南沙席世臣鄧容校

備急方凡四類

卒死第一方八十七首 針灸法十首

治卒死無脈無他形候陰陽俱竭故也治之方 牽牛臨鼻上二百息牛紙必瘥牛不肯紙著鹽汁塗面

上午即肯紙

行義 卒死陰陽離決借生氣流動以鼓舞之也

又方 牛馬屎絞取汁飲之無新者水和乾者亦得

肘後方云乾者以人尿解之此扁鵲法

行義 馬通止血解毒然須溫灌以通之

又方 灸肘斗肘兩脇下

解急方云又治屍厥

鍼灸法

鍼間使各百餘息又灸鼻下人中一名鬼客

肘後方云又治屍厥

治魔死不自覺者方 慎燈火勿令人手動牽牛臨其上即覺若卒不能語取東門上雞頭為末以酒服

之

治卒魔死方 搗韭汁灌鼻孔中劇者灌兩耳

仲景云灌口中

治鬼魔不悟方 伏龍肝為末吹鼻中○又方 皂莢為末如大豆許吹鼻中嚏則氣通起死回生

集驗方云

治中惡

辟魔方 雄黃如棗大繫兩腋下令人終身不魔

女繫右腋

○又方 灸兩足大趾叢毛中各二七壯

肘後方云華佗法

又救卒死中惡

治中惡方 葱心黃刺鼻孔中血出愈

肘後方云使目中血出佳崔云男左女右

○又方 大豆二七粒為末雞子黃并酒相

和頓服○又方 使人尿其面上可愈肘後方云此扁鵲法

衍義 魘寐乃陰邪濁惡之患故以辟邪為務

又方 灸胃脘五十壯愈

治中惡并蠱毒方 冷水和伏龍肝如雞子大服之必吐○又方 猪脂二升溫頓服之○又方 車軸

脂如雞子大酒服

治卒忤方 此病即今人所謂中惡者與卒死鬼擊亦相類為治皆參取而用之鹽八合以水三升煮取一升半分二服得吐即愈治鬼擊備急方云

若小便不通筆頭七枚燒末水和服之即通○又方 犢子尿半盞酒三升煮服之亦治霍亂治鬼擊治鬼擊

○又方 書墨為末水服一錢匕○又方 臘月野狐腸燒末以水服方寸匕死鼠灰亦佳

衍義 中惡客忤皆濁惡之氣遏伏清陽咸以取吐為效吐中便有發越之義

治卒忤死 灸手十指爪下各三壯餘治同上方備急方云治卒死而張目反折者又灸人中三壯肩井百壯間使七

壯巨闕百壯

還魂湯 治卒感忤鬼擊飛尸諸奄忽氣絕無復覺或已死咬口口噤不開去齒下湯湯入口不下者分

患人髮左右足踏肩引之藥下復增取盡一升須臾立甦方 麻黃三兩桂心二兩甘草一兩杏仁七

枚 右四味咬咀以水八升煮取三升分三服仲景方桂不用

衍義 此即傷寒論太陽例中麻黃湯以桂心易桂枝入肝以招其魂麻黃入肺以通其魄杏仁入絡

以降其逆甘草入脾以緩其暴暴逆散而魂魄安矣

治卒中鬼擊及刀兵所傷血漏腹中不出煩滿欲絕方 雄黃粉一刀圭酒服日三血化為水

治鬼擊病方 鬼擊之病得之無漸卒著人如刀刺狀胸脇腹內絞急切痛不可抑按或即吐血或口鼻

血出或下血一名鬼排 雞屎白如棗大青麻花一把 右二味以酒七升煮取三升熱服須臾發汗若

不汗熨斗盛火灸兩脇下使熱汗出愈○又方 艾如雞子大三枚以水五升煮取二升頓服○又方

吹醋少許鼻中

衍義 鬼擊與中惡卒忤總是一類取吐與出汗亦總是一類醋吹鼻中收攝神氣之亂也

灸法

灸人中一壯立愈不瘥更灸 又灸臍上一寸七壯及兩踵白肉際取瘥 又灸臍下一寸三壯

治五絕方 夫五絕者一日自縊二曰墻壁壓迫三日溺水四曰魘寐五日產乳絕 半夏一兩細下節吹一大豆許內鼻中即活心下溫者一

日亦可治

治自縊死方 凡救縊死者極須按定其心勿截繩手抱起徐徐解之心下尚溫者以甕能覆口鼻令兩

人吹其兩耳○又方 強卧以物塞兩耳竹筒內口中使兩人痛吹之塞口傍無令氣得出半日得噫

噫即勿吹○又方 搗皂莢細辛末如胡豆大吹兩鼻中○又方 刺雞冠血出滴着口中即活男雖

女雄○又方 雞屎白如粟大酒半盞和灌口及鼻中佳○又方 皂莢為末以葱葉吹入兩鼻中逆

出更吹○又方 梁上塵如大豆許各內一小竹筒中四人各捉一筒同時吹入兩耳兩鼻即活○又

方 尿鼻口眼耳中并捉頭髮一撮如筆管大刺之立活○又方 雞血塗喉下○又方 藍青汁灌

之

衍義 縊死恐其氣脫故須塞耳吹鼻但取通氣勿使泄氣也捉髮掣之引其氣升刺雞肝血灌青藍

汁取其辟惡

又方 灸四肢大節陷大指本文名曰地袖各七壯

治熱暈方 取道上熟麝香以壅心上下少冷即易氣通止○又方 令暈人仰卧以熟土壅臍上令人尿

之臍中溫即愈○又方 可飲熱湯亦可內少生薑橘皮甘草者飲之稍稍咽勿頓使飽但以熟土及

熟灰土壅臍上佳○又方 濃煮麥取汁三升飲之即愈不瘥更灌○又方 開死人口令通以煖湯

徐徐灌口中小舉死人頭令湯入腹須臾即蘇○又方 使人嚔其心令煖易人為○又方 抱狗

子若難着心上熨之○又方 屋上南面瓦熱熨心冷易之○又方 灌地漿一盞即愈○又方 地黃汁一盞服之○又方 水半升和麴一大抄服之

衍義 喝是虛陽暴脫故須溫順以回其陽氣蘇之後神氣未清方可用地漿地黃汁水麴等以調之既甦煩渴不解者則以麥汁飲之

治落水死方 以竈中灰布地令厚五寸以甌側着灰上令死者伏於甌上使頭小垂下炒鹽二方寸匕內竹管中吹下孔中即當吐水水下固去甌下死者着灰中壅身使出口鼻即活○又方 掘地作坑救數斛灰內坑中下死人覆灰溫徹即易勿令大熱博人灰冷即易半日即活○又方 取大甌傾之死人伏其上令死人口臨甌口然葦火二七把燒甌中當死人心下令咽出小入死人鼻口中水出盡則活火盡復益之常以手候死人身及甌勿令其熱當令火氣能使死人心下足得煖卒無甌者於岸側削地如甌空下如甌燒令煖以死人者上亦可用車轂為之勿令隱其腹令死人低頭水得并炒灰數斛令煖以粉其身澤更易○又方 埋死人煖灰中頭足俱歿惟開七孔○又方 倒懸死人以好酒灌鼻中又灌下部又醋灌鼻亦得○又方 竈中灰二石埋死人從頭至足出七孔即活○又方 綿裹皂莢內下部中須更出水○又方 裹石灰內下部中水出盡即活○又方 倒懸解去衣去臍中垢極吹兩耳起乃止○又方 熬沙覆死人面上下有沙但出口鼻耳沙冷濕即易○又方 屈兩脚着生人兩肩上死人背向生人背即負持行走行吐出水便活○又方 解死衣衣炙臍中凡落水經一宿猶可活

治冬月落水凍四肢直口噤尚有微氣者方 以大器中熬灰使煖盛以囊薄其心上冷即易心煖氣通目得轉口乃開可溫尿粥稍吞之即活若不先溫其心便持火炙身冷氣與火爭即死

衍義 溺死救急無論何法但取溫煖去水及吹孔通竅助其流動而已

治凍爛瘡方 猪後懸蹄以夜半時燒研細篩以猪脂和傅亦治小兒

行義 以血肉之燼散血肉之滯

治入水手足腫痛方 搗生胡麻薄之

行義 取其質潤性燥以溫肌腠中冷濕也

治酒醉中酒恐爛五臟方 以湯著槽中漬之冷復易夏亦用湯○又方 搗卵根汁飲三升○又方

凡醉不得安卧不動必須使人搖轉不佳特忌當風席地及水洗飲水交接

治飲酒頭痛方 竹茹五兩以水八升煮取五升去滓令冷內破雞子五枚攪勻更煮二沸飲二升便盡

瘥

治飲酒腹滿不消方 煮鹽湯以竹筒灌大孔中

治飲酒中毒方 煮大豆三沸飲汁三升○又方 酒漬乾薑汁服之

治酒病方 葱白 豉各二 右二味以水四升煮取二升頓服

行義 濕熱泛濫於心胸中令人煩悶頭痛故用葱豉以發越之

治飲酒房勞虛受熱積日不食四月中熱飲酒不已酒入百脉心氣虛令人錯謬失常方 芍藥 人參

白薇 桔萸根 枳實 知母各二 甘草一兩 生地黃八兩 酸棗仁 半升 茯神 三四分 右十味

以水一斗煮取三升分三服

行義 夏月耽嗜太過令人錯謬失常皆由精神血氣離散所致故用芍藥地黃滋斂陰津人參甘草

培養陽氣桔萸知母解渴除煩棗仁茯神收攝精神白薇枳實宣通胃氣虛火退而精液復神氣安而

錯謬除矣

治連月飲酒咽喉爛舌上生瘡方 大麻仁一升 黃芩二兩 附子一兩 右三味為末蜜和丸含之

治酒醉不醒方 飲葛根汁一斗二升取醒止 連日煩熱不堪

行義 酒醉不醒濕熱漸漬於中外而致骨蒸筋弛故取葛根大開肉理以泄之然惟形氣充盛者為

宜若靈質清癯者服之未免津隨汗脫又未可一例而施也

飲酒令人不醉方

柏子仁 麻子仁

各二兩

右二味治下節為一服進酒三倍

衍義

柏子仁益氣安五臟久服令人潤澤美色耳目聰明麻子仁補精益氣久服令人肥健皆本經

主治其功並載仙經豈特飲酒不醉而已

又方

葛花 小豆花 等分

右二味合為末服三方寸匕飲時仍進葛根汁片汁及枇杷葉飲並能倍

酒

衍義

葛花開發胃氣豆花通利小腸上下分解濕熱之氣也然惟胃氣充實者足以勝之

又方

九月九日菊花為末臨飲服方寸匕○又方 小豆花葉陰乾百日為末服之○又方

日取井中倒生草枝陰乾為末酒服之

飲酒令無酒氣方 乾蔓菁根二七枚三遍蒸為末取兩錢許酒後水服

治惡酒健噴方 空井中到生草燒灰飲之勿令知

衍義 倒挂草生陰柔濕土之上足以制攝陽剛用以燒灰飲之密令性氣下降可無上擾之患矣

又方 取其人牀上塵和酒飲之

斷酒方

柳花 臘月鼠頭灰

右二味等分為末黃昏時酒服一盃○又方 白猪乳汁一升飲之永

不飲酒○又方

鸕鷀屎燒灰水服方寸匕永斷○又方 蟾蜍乾搗末和酒與飲永世聞酒名即嘔

神驗○又方

刮馬汗和酒與飲終身不飲○又方 虎尿中骨燒末和酒與飲○又方 白狗乳汁

酒服之○又方

臘月馬腦和酒服之○又方 驢駒衣燒灰酒飲方寸匕

蛇蟲等毒第二

論六首 灸法二首

方一百二十七首

治因熱逐涼睡熟有蛇入口中挽不出方 以刀破蛇尾內生椒二三枚裹著須臾即出

火以刀周匝割蛇尾截令皮斷乃將皮倒脫即出

蛇尾即出若無

治蛇入人口中并七孔中者方 割母猪尾頭漚血著口中即出○又方 以患人手中指等截三歲大猪尾以器盛血傍蛇瀉血口中拔出之

行義 蛇性喜竄拔之最難非借猪尾善動之熱血助其潤澤之勢不能抑之倒出但首法大險難以輕試

治卒為蛇繞不解方 以熱湯淋之無湯令人尿之

治蛇蝎螫方 服小蒜汁滓薄上附後方云治蛇蝎螫○又方 熟搗葵取汁服之

治蛇噬方 人尿厚塗帛裏即消

治蛇毒方 消蠟注瘡上不瘥更消注之○又方 以母猪耳中垢傅之附後方云牛耳中垢亦可傅之

治蝮蛇毒方 以射罔塗腫上血出即愈○又方 生麻楮葉合搗以水絞去滓漬之○又方 令婦人

尿瘡上○又方 末薑薄之乾即易○又方 雞屎二七枚燒作灰投酒中服之○又方 以麵團上

令童男尿著中燒鐵令赤投中冷復燒著三度瘥○又方 雄黃為末傅之日一易○又方 鹽四

兩水一斗煮十沸沸定以湯浸冷易之○又方 紫莧搗取汁飲一升以滓封瘡上以少水灌之○又

方 梳中垢如指大長一寸尿和傅之○又方 取合口椒同胡荽苗等分搗傅無不瘥○又方 用

銅青傅瘡上○又方 搗大蒜和胡粉傅之○又方 嚼大豆葉塗之良○又方 猪脂和鹿角灰塗

之○又方 灸梳汗出瘥之

行義 上皆解蛇傷毒方廣列以便採用

治諸蛇毒方 雄黃 乾薑各等 右二味為末和射罔著竹筒中帶行有急用之

入山草辟眾蛇方 雄黃 乾薑 麝香各等 右三味搗為粗末以小絳袋盛帶之男左女右蛇毒塗

瘡集驗方云如無麝香以射罔和代之○又方 常燒殺羊角使烟出蛇則去矣

行義 上三方皆預備辟蛇之法

治蛇螫人瘡已愈餘毒在肉中淫淫痛癢方 大蒜 小蒜各一 右二味合搗以熱湯淋汁灌瘡太良

治蛇骨刺人毒痛方 鐵精如大豆許內管中吹入瘡中良○又方 燒死鼠為末傳之

衍義 大小蒜皆氣味辛烈能通諸竅辟邪鬼消腫毒 鐵精至陰之性得純陽火煉而輕浮上升故可拔陰邪之毒

治眾蛇螫方 灸上三七壯無艾以火頭稱瘡孔大小熱之

治虎咬瘡方 濃煮葛根汁洗十數遍及搗為散以葛根汁服方寸匕日五甚者夜二○又方 青布急

捲為繩止一物燒一頭燃內竹筒中注瘡口熏之妙○又方 煮鐵令濃洗瘡○又方 嚼生栗子塗之良

辟虎法 凡入山燒水牛殺羊角虎狼蛇皆走

衍義 虎稟陰毒之性動則生風傷人最暴陰毒匿於身中非葛根之起陽氣解諸毒不能升發使之

外解然須生者尤良 其用青布捲重取藍之清熱解毒藉火氣以宣散之也 外用鐵煎洗之鎮攝其毒不令熾發 生栗拔毒嚼卷塗之以其能出箭頭惡刺比類而推以用之也

論曰凡見一切毒螫之物必不得起惡心向之亦不得殺之若輒殺之於後必遭殺毒治亦難虞慎之慎之

治蠍毒方 凡蠍有雌雄雄者痛止在一處雌者痛牽諸處若其雄者用井底泥塗之溫則易雌者用當

瓦屋溝下泥傳之若值無雨可用新汲水從屋上淋下取泥○又方 取齒中殘飲傳之又猪脂封之又射罔封之又硃砂和水塗上立愈

治蠍螫方 若著手足以冷水漬之水微煖即易之若餘處者冷水漬故布揜之少煖則易○又方 生

烏頭為末唾和傳之

衍義

蠍稟東方之毒氣最銳人被其毒則以井泥漏土傳之風得土實則不能通得水清則不能

起皆相制之義其用射罔之毒以辟之硃砂之烈以攻之又以烏頭末陸傳之取同氣之應以宣散之也世有用新木梳合蜈蚣末傳亦取同氣之治以蜈蚣善能截風也

治蜂螫毒方 取瓦子摩其土唾二七遍置瓦子故處

治蜂螫方 猪脂蜜各半蠟二兩右三味和煎如膏候冷以塗之○又方 燒蜂房為末猪膏和塗

之附後方云先煮蜂房洗之又燒塗之○又方 酥脂塗之立愈○又方 燒牛屎灰以苦酒和塗之○又方 齒垢塗

之○又方 酢醋沃地取泥塗之○又方 齧鹽塗之○又方 以人尿新者洗之○又方 尿泥塗

之

〔行義〕蜂之腰細而毒鍾於尾螫人則刺留肉中但取蜂房燒末塗之即消一種釀蜜之蜂其毒稍遜則以猪脂蜜蠟塗之即以其毒治其毒也

論曰凡蠅蠹蟲尿人影著處便令人病瘡其狀身中忽有瘡處痛如芒刺亦如刺蟲所螫後起細瘡癰作聚如茱萸子狀四邊赤中央有白膿如黍粟亦令人皮肉急舉身惡寒壯熱劇者連起竟腰脇胸治之法初得之摩犀角塗上止其毒治如火丹法余以武德中六月得此疾經五六日覺心悶不佳以他法治不愈又有人教畫地作蠅蠹形以刀細細畫取蠅蠹腹中土就中以唾和成泥塗之再塗即愈方知天下萬物相感莫曉其由矣

治蠅蠹尿方 殺羊髭燒灰臘月猪脂和封之○又方 搗豉封之○又方 醋和胡粉塗之

治蠅蠹尿瘡方 燒鹿角為末以苦酒和傅瘡上已有汁者燒通傍弊蒲席傳之○又方 槐白皮半斤

切以苦酒二升清半日刮去瘡處以洗日五六遍仍以赤小豆末以苦酒和傅之燥復易小兒以水和

○又方 嚼大麥以傅之日三○又方 燕窠中土以猪脂和傅之○又方 熟嚼梨葉以水和塗燥

復易之○又方 馬鞭草搗爛以傅上燥則易之○又方 取吳茱萸東行根下土醋和塗之

〔行義〕蠅蠹生於暗濕性稟陰毒其尿著人則發瘡癰腐敗成瘡治以豉封小豆大麥等類方雖不一

俱消毒散腫之用其胡粉醋燕泥脂調並取收攝濕毒與今人醋磨鐵鏽同意羊鬚鹿角宜成瘡後治法

治三種射工蟲毒方

論曰江南有射工毒蟲一名短狐一名蜮其蟲形如甲蟲外臺云正黑狀如犬飛生無目利耳有一長角在口前如弩

以氣為矢因水勢以射人人聞其在水中鈇鈇作聲要須得水沒其口便以口中毒射人此蟲畏鵝能食之其初見證有似傷寒先惡寒嘔瘳寒熱筋急亦似中風便口喑不能語且小蘇哺輒劇寒熱悶亂是其證也如得三四日急治之治稍遲七日死射著人影者不即作瘡但惡寒嘔瘳自非其地之人不知其證便謂傷寒每多誤治及成瘡似蠅蟬尿亦似瘰癧瘡射工中瘡有三種其一種瘡正黑如蠶子皮周邊悉赤或衣犯之如有芒刺痛其一種作瘡久久穿或哺間寒熱其一種如火灼烟起似此者最急數日殺人中人頭面又急腰已上去人心近多死腰已下稍緩不治亦死備急方云有四种其一種突起如癰

治射工中人寒熱或發瘡在一處有異於常者方 取鬼白葉一把漬苦酒中熟搗絞汁服一升日三〇

又方 取生吳茱萸根葉一握斷去前後取中熟搗以水二升煮取七合頓服〇又方 取胡荽切貼瘡灸七壯〇又方 取蜈蚣大者一枚火炙治為末苦酒和傅瘡上〇又方 取赤莧菜熟搗絞取汁

每服一升日四五服〇又方 取白雞屎白者三枚湯和塗中毒處〇又方 升麻三升烏扇根 犀角略二 右三味咬咀以水四升煮取一升半去滓分再服相去如一炊頃盡更作

治射工中人三種瘡方 升麻二兩烏扇根三兩 右二味咬咀以水三升煮取一升適寒溫盡服滓傅瘡上

治射工中人已有瘡者方 取芥子搗爛苦酒和厚塗瘡上半日痛便止〇又方 取狼牙葉冬取根搗令熟傅所中處又飲四五合汁

五香散 治嶺南毒氣患核射工中人暴腫生瘡方 甲香 犀角 鼈甲 升麻 薑陸香 丁香

沉香 烏髮 青木香 川連 黃芩 羚羊角 甘草 牡蠣各四 吳茱萸三分 川柏六分 右十六味治下節中射工毒及諸毒皆水服方寸匕日二并以水和少許洗之仍以雞子白和塗腫上乾則易

野葛膏

治射工惡核卒中惡毒方 野葛一升 巴豆 烏頭 川椒各半 茵芋 躑躅 附子 丹砂

略一雄黃 大黃各七 右十味治下節以不中水猪膏三斤煎三上三下去滓內丹砂雄黃末攪至

凝似棗核大厚痛上勿近眼凡合名膏皆無令產婦女人小兒雞犬六畜見之惟宜清淨

衍義

五香通散散血三黃分解毒熱升麻吐壘毒諸邪烏扇散咽喉結氣吳茱萸逐風痺止痛甘草

解中外邪毒蠶甲除堅積寒熱壯蠟與堅消腫犀角散血解毒於羊角散惡血蠱毒辟一切不祥乃射

工之專方無出其右 野葛膏彙集諸毒為外摩之首藥 其餘小方總不出辟除惡毒也

治沙蟲毒方

蠶螫一枚或二枚熬為末服一大枚燒令煙絕為末著瘡中○又方 大蒜十枚合皮安

熱灰中炮令熱去皮刀斷蒜頭取熱者毒處○又方 麝香 大蒜 右二味合搗以羊脂和著小筒

中帶欲用取傳瘡上○又方 雄黃 硃砂 恆山各等 右三味取五月五日日中時令童子含之

取傳瘡上

衍義

沙蟲射工總是一類或用蠶螫燒傳或用煨蒜熱熨 或用蒜麝羊脂搗塗 或雄黃硃砂恆

山合傳蓋蠶螫能治鬼疰蠱毒大蒜辟惡除邪麝香去三蟲蠱毒雄黃殺毒蟲硃砂攝伏諸邪恆山

吐痰結蠱毒隨便取用原無分於彼此也

治石蛭方

山水中陰濕草不上石蛭著人則穿齒人凡行山路草木中常以臘月猪膏和鹽塗腳脛及足

趾間趺上及著鞋靴蛭不得著人也已著者火斷其道即愈

衍義

石蛭生於黔陽乃濕熱所化土人以鹽化之并取臘月猪脂引令蟲口也

論曰凡山水有毒蟲人涉水之時中人似射工而無物初得之惡寒微頭痛目眩疼心中煩懊四肢振掀腰背百節皆強兩膝痛或翕翕而熱但欲眠睡旦醒暮劇手足逆冷至肘膝二三日腹中生蟲蝕人下部臍中生瘡不痛不癢令人不覺不急治過六七日下部出膿潰蟲上食人五臟熱盛毒煩下利不禁八九日雖良醫不能治矣其毒有陰陽之異覺得之急早視其下部若有瘡生亦如截肉者為陽毒最急若瘡如鯉魚齒者為陰毒猶小緩要皆殺人不遇二十日也欲知是中水與非者當作五六升湯以小蒜五升切投湯中消息勿令太熱去滓以浴之是水毒身當發赤斑無是者非也當以他病治也

解水毒飲子

治人急中水毒手足指冷或至肘膝者方

吳茱萸一升 生薑切半 犀角 升麻 橘皮

各一烏梅一枚

右六味咬咀以水七升煮取二升分二服

衍義

此方藥非峻烈而辟邪解毒如鼓應桴不獨治水毒也南粵蠱毒之鄉初覺中害即以此儘力

探吐其毒便解又凡牛馬食草中蛇虺之毒脹死急以此灌之皆可救活方中吳茱萸下氣辟邪除濕止痛生薑辟一切不正之氣犀角散惡血解諸毒蠱毒并麻辟除瘴癘蠱毒入口皆吐出橘皮下氣通神逐穢惡諸邪烏梅解熱毒斂正氣可知辟邪解毒之功洵不尋常其垂功於後世也普矣其後小方如浮萍治風毒水氣梅葉桃葉解毒殺蟲蒼耳去毒出斑莖能下水除腫監蓋殺蟲疰毒蛇毒專治蛇虺諸毒不必執拘隨其便而取用可也

又方 浮萍草曝乾為末酒服方寸匕○又方 梅葉桃葉搗絞取汁三升許或乾以少水絞取汁飲之

小兒不能飲以汁傅乳頭與之○又方 搗蒼耳汁服一升又以綿裹枝沾汁導下部日三瘥○又方

搗蓼一把以酒和絞取汁一升飲之不過三服瘥

外臺附後作梨葉用

○又方 搗鹽一把水解以塗浴面目

身體令遍○又方 搗蛇莓根為末水飲之并導下部生者用汁凡夏月行常多齋此藥屑入水以方

寸匕投水上流無所畏又辟射工凡洗浴以少許投此盆中即無毒

治貓鬼野道病歌哭不自由方 五月五日自死赤蛇燒作灰以井花水服方寸匕日三○又方 臘月

死貓頭燒灰水服一錢匕日二

鍼灸方見別卷中

治貓鬼眼見貓狸及耳雜有所聞方 相思子 草麻子 巴豆各一硃砂末二錢蠟四錢 右五味合搗為丸先取麻子許大含之即以灰圍患人前頭著一斗灰火吐藥火中沸即畫火上作十字其貓鬼並皆除矣

行義 拘於鬼神者不可以言至巧貓鬼之病似屬誕妄千金雖言之數鑿鑿乎行方時略不加詳近有醫師令人以生貓胎治痘甫五日宰貓之人與噉貓胎者俱斃知俗有死貓埋土觸之動煞非妄方用赤蛇陰毒之物辟之死貓同氣之物壓之二者急不可得則以相思子之通達陰陽草麻子拔毒外出巴豆之蕩練臟腑硃砂之殺鬼精物蜂蠟之解毒和中其裏辟除之功始信若人之無幽不燭也匝月間其醫亦患腹脹身黃頭汗呃逆妄言妄見而逝因識此以為賊害生靈之鑒噫非方之不具也第華報之患豈藥石之可療乎

治蛛蛛咬毒方 人尿傳又油淀傳又炮薑貼之又糊猴尿傳之○又方 麻油和胡粉如泥塗上乾則易之

治馬噉人及踰人作瘡毒腫熱痛方 馬鞭稍二寸鼠屎七枚 右二味合燒為末以猪膏和塗之立愈

外臺方云治遂成瘡爛經久不愈者附後方云用馬鞭皮燒末猪膏和塗

治馬噉人陰卵脫出方 推內入以桑皮細作線縫之破鳥雞取肝細剉以封之且忍勿小便即愈

治牛馬噉及馬骨刺傷人及馬血入舊瘡中方 取尿汁熱漬瘡常令汁器有火數易汁勿令爛人肉三數日漬之有腫者炙石熨之日二消止

治馬血入瘡中方 服人糞如雞子大復以糞傳瘡上○又方 取婦人月水傳之神良
治剝死馬馬骨傷人毒攻欲死方 即取馬腸中尿塗之大良

〔行義〕 牛馬瘟疫傳染而死必有毒癘之氣觸之尚且為害况骨傷人其毒乘隙入犯乎急救之法即以本馬之穢惡攻人身穢惡之毒同氣相感以解之也推而廣之剝瘟牛傷本牛之屎未嘗不可以取法為治也

治馬汗馬毛入人瘡中腫痛發死方 以水漬瘡數易水使愈又以石灰傳之○又方 飲醇酒取醉即愈○又方 燒鵝毛作末以酒服方寸匕○又方 以沸湯令得所浸洗之即瘥

論曰凡春末夏初犬多發狂必預防之防而不免者莫出於灸百日之中一日不闕者方得免難若初見瘡瘡痛定即言平復者皆取可畏大禍即至死在旦夕凡狂犬咬人著訖即令人狂精神已別何以得知但看灸時一度火下即覺心中醒然惺惺了了方知咬已即狂此病至重世皆輕之不以為意坐是死者嘗年有之吾初學醫曾求以為業有人遭此將已見問吾了不知報答以是經吾手而死者不自此銳意學之一解已來治者皆愈方知世無良醫枉死者半此言非虛故將來學者非至此法餘一方皆須沉思留心作意應熟學之乃得通曉莫以初解一二種法即謂知訖極自誤也○凡獠犬咬人七日輒應一發三七日不發則脫也要過百日乃得免耳每到七日輒當搗韭汁飲一二升又當終身禁食大肉蠶蛹食此即發死不可救矣瘡未愈之間禁食生魚及諸肥膩冷食但於飯下蒸魚及肥器中食便發不宜飲酒能過一年乃佳

治獠犬毒方 頭髮 蝟皮 絡等 右二味燒灰水和飲一盃服之口嚙者折齒內藥○又方 搗地榆

絞取汁塗瘡無生者可取乾者以水煮汁飲之亦可末服為方寸匕日三兼傳上過百日止○又方 搗韭絞取汁飲一升日三瘡愈止亦可治愈後復發者○又方 刮虎牙若骨服方寸匕

未服已發在加 獠犬者服即愈○又方 燒虎骨傳瘡及熨又微熬杏仁搗研取汁服之良又取燈盞殘油灌瘡口皆

禁酒猪肉生菜○又方 用韭根一握故梳二枚水二升煮取一升頓服○又方 桃東南枝白皮一握水二升煮取一升分二服吐出犬子○又方 取獠犬腦傳上後不復發○又方 蝦蟆灰以粥

飲服之○又方 服黃芩子七枚日一○又方 梅子末以酒服之○又方 以豆醬清塗之日三四

治狂犬吠人方 蛇脯一枚灸去頭擣末服五分七日三又燒末肉瘡孔中○又方 搗黃芩根和鹽傳

日三○又方 青布浸汁服三升○又方 取驢尿一二升飲之

治凡犬嚙人方 熬杏仁半升令黑研成膏敷之○又方 取甕中熟灰以粉瘡帛裏繫之○又方 鼠

屎為末臘猪膏和傅之外臺方云鼠一枚猪膏煎傅之○又方 飲生薑汁一升治狂犬咬非汁亦佳外臺方云亦治

○又方 水洗瘡任血出勿止之水洗不住取血自止以綿裹之瘡○又方 以沸湯和灰墮瘡上○

又方 燒犬尾為末傅瘡日三○又方 以頭垢少少內瘡中○又方 火炙蠟以灌瘡中○又方

以熱牛尿塗之佳○又方 以苦酒和灰塗瘡中

衍義 獾犬熱毒發狂多由食啖蛇虺所致犬性走腎犯其毒者必攻小便毒漸成形末由而出故必

致死 毒未成形時急取髮灰專治五癰關格不通之藥佐以蜣皮治五痔陰蝕下血之物相率而蕩

滌之也 其後零星小方非汁薑汁散血辟邪虎骨虎牙辟除惡毒蝦蟆灰治陰蝕疽癰惡瘡肘後方

用蝦蟆生食先於頂門拔去血髮則小便出沫莖若攻毒破結本草言多食令人狂走故取以治狂毒

蛇脯以毒攻毒取其善竄孔穴杏仁熬黑專滌垢膩結血炙蠟灌瘡拔毒外出其餘治法以意逆之

灸法

凡獾犬所嚙未盡其惡血毒者灸上一百壯已後當日灸一壯若不血出刺出其血百日灸乃止禁飲酒

及猪犬肉

治猪嚙方 松脂煉作餅上貼之○又方 以屋雷中泥塗

諸般傷損第三論一首 方九十二首

論曰凡被打損血悶搶心氣絕不能言可擘開口尿中令下咽即醒又墮車落馬及車碾木打已死者以
死人安著以手袖掩其口鼻眼上一食頃活眼開與熱小便二升

治被打擊頭眼青腫方 炙肥猪肉令熱搗上肘後方云治血聚皮膚間不消散者○又方 牆上朽骨唾於石上研塵塗之乾即易○又方 炙猪肝貼之○又方 新殺羊肉乘熱封之○又方 大黃豆為末水和塗之

衍義 關毆顛仆諸傷悶絕不醒者急以熱尿儘力灌之以治內外諸傷被壓氣閉不通者掩其口鼻無使氣散俟其氣還即活次以小便救之青腫在外者猪肉猪肝朽骨羊肉等治總取血肉以和其傷用大豆黃卷者以本經有濕痹筋攣膝痛除胃氣結積益氣解毒諸治且能解散風毒也

治被打傷破腹中有瘀血方 蒲黃一升當歸桂心各一右三味治下篩酒服方寸匕日三夜一

衍義 蒲黃散血當歸活血桂心溫血酒服和血也

又方 劉寄奴 延胡索 骨碎補各一兩 右三味咬咀以水二升煎取七合後內酒及小便一合溫熱頓服

衍義 劉寄奴破血延胡索止痛骨碎補療骨節之傷以其能祛風解毒破血止痛也

又方 蟬蟲 蠅蟲 水蛭各三枚 桃仁五枚 桂心二兩 大黃五兩 右六味咬咀以酒各五升煮取三升分五服

衍義 被傷瘀給不散故用抵當湯加蟬蟲桂心水酒和煎以破之此攻血猛劑血結在裏喘逆腹脹無問新久皆可用之

又方 生地黃汁三升酒一升半煮取二升七合分三服肘後方治從高墮下瘀血脹心面青短氣欲死

衍義 此治重氣素弱不勝攻擊者則以生地黃和酒導而散之鮮者尤妙如無鮮者用乾地黃酒浸搗絞糟酒以行其滯也

又方 蔞瓜子為末傳瘡上

衍義 蔞瓜子稟陰毒走而不守專用以散蓄積之血
白馬蹄散 治被打腹中之瘀血并治婦人瘀血化血為水方 白馬蹄燒令烟盡搗篩酒服方寸匕日